



ALVER
KOMMUNE

Jørgen Bjørsvik Ingebrigtsen
Skauvegen 499
5957 MYKING

Referanser:
Dykkar:
Vår: 20/9142 - 20/53361

Saksbehandlar:
Astrid Riise
astrid.riise@alver.kommune.no

Dato:
28.08.2020

Registrert avvik i septiktank - gbnr 44/9 Skauge

Tiltak: Avvik i septiktank
Byggjestad: Gbnr: 44/9
Tiltakshavar: Jørgen Bjørsvik Ingebrigtsen

Alver kommune har den 07.05.2020 motteke melding frå Norva24 AS om at det ved tømning den 04.05.2020 vart registrert lågt nivå og stor lekkasje i septiktanken på eigedommen din, med adresse Skauvegen 499, 5957 Myking. Lågt nivå i septiktanken tyder på at det kan vere lekkasje frå tanken, og at den ikkje fungerer slik den skal. Ved lekkasje frå septiktanken renn avløpsvatn ut i grunnen med fare for forureining og med fare for at menneske og dyr blir sjuke. Same tilstanden har vore kommentert frå Norva24 AS ved tømning i 2018.

I følgje Norva24 AS er tanken ein gamal betongtank, og anbefaling frå dei er at den bør skiftast ut. Du får ein frist på 6 månader til å gjennomføre dette arbeidet.

Når det er fare for forureining, skal den ansvarlege for forureininga sørgje for tiltak for å hindre at forureining skjer. Når forureining har oppstått, skal den ansvarlege sørgje for å stanse, fjerne eller avgrense forureininga, jf. forurensningslova § 7.

Septiktanken må skiftast ut. Frist for arbeidet vert sett til 01.03.2021.

Dersom vi ikkje får inn skriftleg tilbakemelding om utført arbeid innan fristen, varslar vi samstundes at vi kan pålegge deg å utbetre forholdet og fastsetje tvangsmulkt med heimel i forurensningslova §§ 7 og 73.

Dersom du meiner at opplysningane våre ikkje er rette, eller at det fins andre grunnar til at du ikkje har plikt til å utbetra tilstanden, ber vi om at du tek kontakt med oss snarast mogleg og seinast innan fristen som er sett for utbetring av tilhøvet.

For å få utbetra eit avløpsanlegg må du kontakte eit godkjent rørleggarføretak. For tiltak som gjeld nytt lokk/lås eller liknande kan du sjølv utføre arbeidet.

Når lekkasjen er reparert, må du fylle ut vedlagte skjema for utført arbeid og returnere det til kommunen.

Skjema sender du til

- post@alver.kommune.no eller
- Alver kommune, postboks 4, 5906 Frekhaug.

Aktuelt regelverk:

- Plikt til å unngå forureining følgjer av forurensningslova § 7.
- Kommunen kan gje pålegg om tilkopling og fastsetje tvangsmulkt med heimel i forurensningslova kapittel 9.

Spørsmål i saka kan rettast til sakshandsamar på telefon 5637 5000 eller på e-post.

Med vennleg helsing
Alver kommune, Miljø og tilsyn

Astrid Riise
rådgjevar

Dette dokumentet er elektronisk godkjent og har difor ingen signatur.

Vedlegg:

Tilbakemelding om utført arbeid - Alver kommune

Mottakarar:

Jørgen Bjørsvik Ingebrigtsen

Skauvegen 499

5957

MYKING